

МОНГОЛ УЛСЫН ХУУЛЬ

2026 оны ... дугаар
сарын ...-ны өдөр

Улаанбаатар
хот

**НИЙГМИЙН ХАЛАМЖИЙН ТУХАЙ ХУУЛЬ /ШИНЭЧИЛСЭН НАЙРУУЛГА/-ЫГ
ДАГАЖ МӨРДӨХ ЖУРМЫН ТУХАЙ**

1 дүгээр зүйл.2028 оны 01 дүгээр сарын 01-ний өдрөөс өмнө 2012 онд батлагдсан Нийгмийн халамжийн тухай хуульд заасны дагуу нийгмийн халамжийн сангаас тэтгэвэр тогтоолгосон 18 хүртэлх насны дөрөв ба түүнээс дээш хүүхэдтэй, өрх толгойлсон 45 насанд хүрсэн эх, 50 насанд хүрсэн эцгийн халамжийн тэтгэвэр авах эрхийг тухайн эрх дуусгавар болох хүртэл хугацаанд хэвээр хадгална.

2 дугаар зүйл.2028 оны 01 дүгээр сарын 01-ний өдрөөс өмнө 2012 онд батлагдсан Нийгмийн халамжийн тухай хуульд заасны дагуу нийгмийн халамжийн сангаас ахмад настны (65 насанд хүрсэн иргэн) тэтгэвэр авах эрхийг тухайн эрх дуусгавар болох хүртэл хугацаанд хэвээр хадгална.

3 дугаар зүйл.2028 оны 01 дүгээр сарын 01-ний өдрөөс өмнө 2012 онд батлагдсан Нийгмийн халамжийн тухай хуульд заасны дагуу нийгмийн халамжийн сангаас эмнэлгийн хяналтад байдаг, байнгын асаргаа шаардлагатай ахмад настныг асарч байгаа иргэнд олгох асаргааны тэтгэмжийг сунгах хүртэлх хугацаанд эрхийг хэвээр хадгалж, хугацаагүй тогтоолгосон иргэдийг дахин тодорхойлох хүртэлх хугацаанд хэвээр хадгална.

4 дүгээр зүйл.Энэ хуулийг дагаж мөрдөхөөс өмнө сум, халамжийн нийгмийн ажилтнаар ажиллаж байсан төрийн захиргааны албан хаагчид энэ хуулийн 29.1 дэх хэсэг хамаарахгүй.

5 дугаар зүйл.Нийгмийн халамжийн тухай болон Хөгжлийн бэрхшээлтэй хүний эрхийн тухай хуульд заасан мэргэжлийн хамтарсан зөвлөл байгуулан ажиллах, бие даан амьдрах чадамж, хэрэгцээний цогц үнэлгээ хийх, хэрэгцээг тодорхойлж, асаргааны тэтгэмж, халамжийн үйлчилгээ, дэмжлэг, тусламж, хөнгөлөлтөд хамруулах зохицуулалтыг 2029 оны 01 дүгээр сарын 01-ний өдрөөс хэрэгжүүлэх бөгөөд энэ хугацаанд мэргэжлийн эмч, согог зүй бэлтгэх ажлыг Нийгмийн халамжийн болон эрүүл мэндийн асуудал эрхэлсэн төрийн захиргааны төв байгууллага, төрийн захиргааны байгууллага, аймаг, дүүргийн нийгмийн халамжийн болон эрүүл мэндийн асуудал хариуцсан байгууллагууд хамтран зохион байгуулна.

6 дугаар зүйл. Нийгмийн халамжийн тухай хуульд заасан асаргаа шаардлагатай хүнийг тогтоох, асаргааны тэтгэмж, халамжийн үйлчилгээ, дэмжлэг, тусламж, хөнгөлөлтөд хамруулах зохицуулалтыг 2012 онд батлагдсан Нийгмийн халамжийн тухай хууль тогтоомжийн дагуу 2029 оны 01 дүгээр сарын 01-ний өдөр хүртэл үргэлжлүүлэн хэрэгжүүлнэ.

7 дугаар зүйл.Нийгмийн халамжийн тухай хуульд заасан асаргаа шаардлагатай хүнийг асарч байгаа иргэнийг асарч байгаа иргэний тэтгэмж авч байгаа хүнийг асаргааны

үйлчилгээ үзүүлэх сургалтад хамруулах зохицуулалтыг 2029 оны 01 дүгээр сарын 01-ний өдрөөс хэрэгжүүлнэ.

8 дугаар зүйл. Нийгмийн халамжийн тухай хуулийн 12 дугаар зүйлийн 12.3 дахь хэсгийг 2029 оны 01 дүгээр сарын 01-ний өдрөөс хэрэгжүүлнэ.

9 дүгээр зүйл. Ахмад настны тухай хуульд нэмэлт, өөрчлөлт оруулах тухай хуулийн 4 дүгээр зүйлийг 2029 оны 01 дүгээр сарын 01-ний өдрөөс хэрэгжүүлнэ.

10 дугаар зүйл. Ахмад настны тухай хуульд нэмэлт, өөрчлөлт оруулах тухай хуулийн 6 дугаар зүйлийг 2029 оны 01 дүгээр сарын 01-ний өдрөөс хэрэгжүүлнэ.

11 дүгээр зүйл. Энэ хуулийг Нийгмийн халамжийн тухай хууль /шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ